



სსიპ „საჯარო აუდიტის ინსტიტუტი“

ავტოსატრანსპორტო საშუალებების (CPV34100000)

გამარტივებული ელექტრონული ტენდერის საშუალებით შესყიდვის

სატენდერო დოკუმენტაცია

ქ. თბილისი

2014 წელი

სარჩევი

1.	ინსტრუქცია ტენდერში მონაწილეობის	3
2.	ტექნიკური დავალება	4
3.	დანართი N1	8
4.	დანართი N2 ფასების ცხრილი	9
5.	დანართი N3 ინფორმაცია პრეტენდენტის შესახებ.....	10
6.	სახელმწიფო შესყიდვის შესახებ ხელშეკრულების პროექტი	11

ინსტრუქცია ტენდერში მონაწილეთათვის

1. ინსტრუქცია ტენდერში მონაწილეთათვის

1.1. სახელმწიფო შესყიდვების ერთიან ელექტრონულ სისტემაში (შემდგომში – სისტემა) შესყიდვის პროცედურები ხორციელდება „სახელმწიფო შესყიდვების შესახებ“ საქართველოს კანონის, „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანებით დამტკიცებული წესის შესაბამისად.

1.2. სახელმწიფო შესყიდვების ელექტრონული სისტემის მომხმარებლის სახელმძღვანელო მოცემულია საიტზე: www.procurement.gov.ge;

1.3. ტენდერში მონაწილეობის უფლება აქვს ყველა დაინტერესებულ იურიდიულ და ფიზიკურ პირს, რომელიც გაცნობილია და ეთანხმება „სახელმწიფო შესყიდვების შესახებ“ საქართველოს კანონის და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ მოთხოვნებს და არ არის შეყვანილი შესყიდვებში მონაწილე არაკეთილსინდისიერ პირთა რეესტრში („შავი სია“).

1.4. ტენდერთან დაკავშირებული ყველა დოკუმენტი ან/და ინფორმაცია წარმოდგენილი უნდა იქნას ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

1.5. დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.6. პრეტენდენტის მიერ წარმოდგენილი ყველა დოკუმენტი ან/და ინფორმაცია დამოწმებული უნდა იყოს უფლებამოსილი ან მისი ნდობით აღჭურვილი პირის ხელმოწერითა და ბეჭდით (ასეთის არსებობის შემთხვევაში). (მინდობილობის არსებობის შემთხვევაში აღნიშნული დოკუმენტი ატვირთული უნდა იქნეს ერთიან ელექტრონულ სისტემაში).

1.7. ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

1.8. პრეტენდენტს არა აქვს უფლება წარმოადგინოს ალტერნატიული წინადადება.

1.9. ტექნიკური დოკუმენტაციის ატვირთვის შემდეგ, პრეტენდენტს აქვს შესაძლებლობა მიუთითოს მისი სატენდერო წინადადების ფასი. თუ სატენდერო განცხადებაში მითითებულია, რომ სატენდერო წინადადების ფასი წარმოდგენილ უნდა იქნას დამატებული ღირებულების გადასახადის (შემდგომში დღგ) გარეშე, მიმწოდებელი სისტემაში ფასს უთითებს დღგ–ს გარეშე, თუმცა თუ იგი დღგ–ს გადამხდელია, შესაბამისი ოდენობით თანხა გათვალისწინებული იქნება ხელშეკრულებაში.

1.10 სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში. ქ. თბილისი, წმინდა ქეთევან დედოფლის გამზირი №96, საკონტაქტო პირი: ბესიკი ქოჩიაშვილი ტელ: +995 (32) 2438136.

შესყიდვის ობიექტის ტექნიკური და ხარისხობრივი მახასიათებლები:

შესყიდვის საშუალება: საკუთარი სახსრები.

კლასიფიკატორის (CPV) კოდი: 34100000 - ავტოსატრანსპორტო საშუალებები.

1. ტექნიკური დავალება:

1. შესყიდვის საგანია სსიპ „საჯარო აუდიტის ინსტიტუტის“ მიერ 2 ერთეული ავტოსატრანსპორტო საშუალების შესყიდვა:

შესასყიდი ავტომობილის მინიმალური მონაცემები:

#		
1	ძრავის მოცულობა არანაკლებ	1.2
2	ცხენის ძალა არანაკლებ	77
3	გადაცემათა კოლოფი	მექანიკური, არანაკლებ 5 საფეხურიანი
4	სიგრძე არანაკლებ	3850 მმ
5	სიგანე არანაკლებ	1695 მმ
6	სიმაღლე არანაკლებ	1455 მმ
7	წვა 100 კმ/ზე არაუმეტეს	8 ლიტრი
8	საგარანტიო პირობები	5 წელი ძირითად აგრეგატებზე (ძრავი, ხიდი, გადაცემათა კოლოფი) 3 წელი ან 150000 კილომეტრი სრულ ავტომანქანაზე,
9	უსაფრთხოების დამადასტურებელი დოკუმენტი	NCAP (ევრო ქრამ ტესტი), IIHS (ამერიკული ქრამ ტესტი)
10	ელექტრო შუშები	მინიმუმ წინა ორი
11	აუცილებელი მოთხოვნა	სათადარიგო საბურავი
12	აუცილებელი მოთხოვნა	წინა 2 უსაფრთხოების ბალიში
13	აუცილებელი მოთხოვნა	კონდიციონერი
14	აუცილებელი მოთხოვნა	აუდიო სისტემა, უკანა საქარე მინის ელ. გათბობა
15	აუცილებელი მოთხოვნა	საჭის გამაძლიერებელი
16	აუცილებელი მოთხოვნა	ABS
დამატებით		
18	ფერი	შავი/ვერცხლის ფერი/თეთრი
19	გამოშვების წელი არანაკლებ	2013
20	მიწოდების ვადა ხელშეკრულების გაფორმებიდან	10 კალენდარული დღე
21	ძველი ავტომობილების (იგულისხმება შემსყიდველის საკუთრებაში მყოფი) გადაცემის- ჩანაცვლების ვადა და პირობა	ახალი ავტომობილების შემსყიდველის სახელზე გადაფორმებიდან 10 კალენდარული დღე

2. პრეტენდენტს უნდა გააჩნდეს ბაზარზე ანალოგიური საქმიანობის (ავტომანქანების მიწოდება) მინიმუმ 1 თლიანი გამოცდილება.

3. პრეტენდენტს უნდა გააჩნდეს არანაკლებ 1 სერვის-ცენტრი თბილისში.

2. სატენდერო წინადადების ფასის გაანგარიშების მეთოდი:

1. შესყიდვის ჯამური საორიენტაციო ღირებულებაა 58877 ლარი (წარმოდგენილი სავარაუდო ღირებულება არის მაქსიმუმი, შესაბამისად, დაუშვებელია მასზე მაღალი მაჩვენებლის დაფიქსირება ტენდერში მონაწილე პრეტენდენტების მიერ).

2. ერთეული ავტომანქანის საორიენტაციო ღირებულება მოიცავს შემდეგ კომპონენტებს:

ა) ავტომობილის ღირებულება;

ბ) ავტომობილის თანმდევი საგარანტიო პირობების ფარგლებში გეგმიური ფასიანი მომსახურების (დანართი N2) საორიენტაციო ღირებულება, გაანგარიშებული 100000 კმ. გარბენზე; წინამდებარე ტენდერის ფარგლებში ამ პუნქტით გათვალისწინებული მომსახურების ხარჯის გადახდა მიმწოდებლისთვის არ ხორციელდება. აღნიშნული მომსახურების შესყიდვაზე წინამდებარე ტენდერში, დანართი N2 შესაბამისად შემოთავაზებული ფასითა და პირობებით გაფორმდება ხელშეკრულება გამარტივებული შესყიდვის საშუალებით, „სახელმწიფო შესყიდვების შესახებ“ საქართველოს კანონის მე-10¹ მუხლის მე-3 პუნქტის „თ“ ქვეპუნქტის შესაბამისად, ამავე ტენდერში გამარჯვებულ პრეტენდენტთან ან მის მიერ განსაზღვრულ პირთან, რა დროსაც ძალაში რჩება ავტომობილის საგარანტიო პირობები. პრეტენდენტის მიერ განსაზღვრულ პირს, რომელთანაც შესაძლებელი იქნება გეგმიური ფასიანი მომსახურების მიღება უნდა გააჩნდეს არანაკლებ 1 სერვის-ცენტრი თბილისში.

გ) ავტომობილის მიერ მოხმარებული საწვავის ხარჯი (100000კმ-ზე), რომლიც დაანგარიშებულია მწარმოებლის მიერ წარმოდგენილი ოფიციალური საპასპორტო წვის მაჩვენებლისა (რომელიც უნდა ემთხვეოდეს მწარმოებლის ოფიციალურ ვებ-გვერდზე შესაბამისი სპეციფიკაციის მონაცემებს) და ერთი ლიტრი საწვავის პირობითი ფასის - „1“-ის ნამრავლი 100000 კმ-ზე, მაგ.: თუ ავტოსატრანსპორტო საშუალების საწვავის წვის საპასპორტო მაჩვენებელი 100 კმ-ზე, პირობითად, წარმოადგენს 6 (ექვსი) ლიტრს, მისი დაანგარიშება 100000 კმ-ზე განხორციელდება შემდეგნაირად:

$$100000/100*6*1 = 6000.$$

წინამდებარე ტენდერის ფარგლებში, ამ პუნქტით გათვალისწინებული საწვავის ხარჯის გადახდა მიმწოდებლისთვის არ ხორციელდება.

3. სატენდერო წინადადებაში საერთო და ერთეულის ფასი გამოსახული უნდა იყოს საქართველოს კანონმდებლობით გათვალისწინებული და შესყიდვის ობიექტის მიწოდებასთან დაკავშირებული ყველა გადასახადის გათვალისწინებით, რომელიც მოიცავს როგორც ავტომანქანის აქციზის ღირებულებას და ავტოსატრანსპორტო საშუალებების შემსყიდველზე გადაფორმების ხარჯებს, ასევე, ფასი უნდა მოიცავდეს ავტომობილების თანმდევი საგარანტიო პირობების ფარგლებში გეგმიური ფასიანი მომსახურების პირობით ღირებულებას 100000 კმ. გარბენზე (დამატებითი ღირებულების გადასახადის ჩათვლით) და ავტომობილის მიერ 100000 კმ-ზე მოხმარებული საწვავის პირობით ღირებულებას.

4. ელექტრონული ვაჭრობა განხორციელდება სატენდერო დოკუმენტაციაში ფიქსირებულ ჯამურ საორიენტაციო ღირებულებაზე ფასის კლების პრინციპით. შემსყიდველის მიერ სატენდერო დოკუმენტაციაში წარმოდგენილ ჯამურ საორიენტაციო ღირებულებასა და ვაჭრობის შედეგად დაფიქსირებულ საბოლოო ფასს შორის სხვაობა პროპორციულად უნდა აისახოს ჯამური ღირებულების შემადგენელ თითოეული კომპონენტზე (გარდა საწვავის წვის მაჩვენებლისა, რომელიც უნდა შეესაბამებოდეს მწარმოებლის მიერ ოფიციალურად დადგენილ წვის რაოდენობრივ პარამეტრს).

3. ძველი ავტომობილების გადაცემის პირობა:

1. მოსაწოდებელი ავტომობილების ღირებულების ნაწილის ანაზღაურება განხორციელდება შემსყიდველის საკუთრებაში არსებული 1 ერთეულ ავტომობილის ღირებულებით, რაც ჯამურად №005581214 ექსპერტის დასკვნის მიხედვით შეადგენს 5300 ლარს. გადასაცემი ავტომობილის მონაცემები მოცემულია (იხ. PDF ფაილში №005581214 ექსპერტის დასკვნა).
2. ძველი ავტომობილების გადაცემა შემსყიდველის მიერ განხორციელდება ახალი 2 ერთეული ავტომობილის შემსყიდველის სახელზე გადაფორმებიდან 10 კალენდარული დღის ვადაში.
3. ავტომობილების მიწოდებისას 2 ერთეული ახალი ავტომობილის შემსყიდველის სახელზე გადაფორმების ხარჯს და 1 ერთეული ძველი ავტომობილის მიმწოდებლის სახელზე გადაფორმების ხარჯს ანაზღაურებს მიმწოდებელი.
4. ახალი ავტომობილების მიწოდებისა და ძველი ავტომობილების გადაცემის ადგილია ქ. თბილისი, წმიდა ქეთევან დედოფლის გამზ. N96.

4. საგარანტიო მომსახურება

1. მოწოდებულ საქონელზე უნდა ვრცელდებოდეს გარანტია შესაბამისი მიღება-ჩაბარების აქტის გაფორმების დღიდან სატენდერო დოკუმენტაციის „ტექნიკური დავალები“ 1. პუნქტით განსაზღვრული ცხრილის მე-8 პოზიციით გათვალისწინებული ვადით და პირობებით.

2. საგარანტიო მომსახურების პირობები განისაზღვრება პრეტენდენტის შემოთავაზების შესაბამისად, წინამდებარე ტენდერის მოთხოვნების თავისებურებათა გათვალისწინებით.

5. ანგარიშსწორება:

1. ანგარიშსწორების ვალუტა - ლარი.
2. ანგარიშსწორების ფორმა - უნაღდო ანგარიშსწორება;
3. ანგარიშსწორება მიმწოდებელთან განხორციელდება ჩასანაცვლებელი (მიმწოდებლისათვის გადასაცემი) ავტომობილის ღირებულებითა და ახალი ავტომობილებისა და ჩასანაცვლებელი ავტომობილის ღირებულების შორის წარმოქმნილ ფასთა სხვაობის ოდენობით ლარებში.
4. ანგარიშსწორება განხორციელდება ახალი ავტომობილების შემსყიდველის სახელზე გადაფორმებიდან 10 კალენდალური დღის განმავლობაში.

6. პრეტენდენტის მიერ შესყიდვების ერთიან ელექტრონულ სისტემაში ატვირთული სატენდერო წინადადება უნდა შეიცავდეს შემდეგ დოკუმენტებსა და ინფორმაციას:

1. პრეტენდენტის რეკვიზიტები (დასახელება, მისამართი, ტელეფონი/ფაქსი, საბანკო რეკვიზიტები, ხელმძღვანელის პირის სახელი, გვარი), სატენდერო წინადადების მოქმედების ვადა სატენდერო დოკუმენტაციის დანართი №2-ის შესაბამისად, დოკუმენტაციაში მითითებული ფორმის დაცვით.
2. „ფასების ცხრილი“, სატენდერო დოკუმენტაციის დანართი №1-ის შესაბამისად, დოკუმენტაციაში მითითებული ფორმის დაცვით.
3. შემოთავაზებული საქონლის ტექნიკური და ხარისხობრივი მონაცემების სრული აღწერილობა სატენდერო დოკუმენტაციის ტექნიკური დავალების პირველი პუნქტის მოთხოვნათა შესაბამისად და ამასთანავე სასაქონლო მარკის, მწარმოებელი ქვეყნის და საგარანტიო ვადის მითითებით;
4. მოსაწოდებელი ავტომობილების მწარმოებლის მიერ გაცემული საპასპორტო მონაცემები (წვის მონაცემები და ტექნიკური მახასიათებლები).
5. ინფორმაცია პრეტენდენტის ბაზარზე ანალოგიური საქმიანობის მინიმუმ 1 წლიანი გამოცდილების თაობაზე.
6. ინფორმაცია სერვის ცენტრების თაობაზე (ქალაქის, მისამართების მითითებით), სატენდერო დოკუმენტაციის ტექნიკური დავალების მე-3 პუნქტის მოთხოვნის გათვალისწინებით.
7. ინფორმაცია (დასახელება, საბანკო და საიდენტიფიკაციო რეკვიზიტები, სერვის-ცენტრების ჩამონათვალი (მ/შ არანაკლებ 1 ქ თბილისში) მდებარეობის მითითებით) პრეტენდენტის მიერ განსაზღვრული პირის თაობაზე (ასეთის არსებობის შემთხვევაში), რომელთანაც შესაძლებელი იქნება გეგმიური ფასიანი მომსახურების მიღება სატენდერო დოკუმენტაციის მოთხოვნების გათვალისწინებით, წინამდებარე ტენდერის ფარგლებში შეძენილი ავტომობილის საგარანტიო პირობების შენარჩუნების პირობით.
8. საგარანტიო მომსახურების პირობები სატენდერო დოკუმენტაციის მე-6 პუნქტის მოთხოვნათა გათვალისწინებით.

7. დამატებითი ინფორმაცია

1. სახელმწიფო შესყიდვების ერთიან ელექტრონულ სისტემაში ატვირთული ყველა დოკუმენტი და ინფორმაცია ხელმოწერილი და ბეჭედდასმული (არსებობის შემთხვევაში) უნდა იყოს პრეტენდენტის შესაბამისად უფლებამოსილი პირის მიერ.
2. სატენდერო წინადადების საერთო და ერთეულის ფასის წარმოდგენა დასაშვებია მხოლოდ ლარებში.
3. სატენდერო წინადადება, აგრეთვე ამ წინადადებასთან დაკავშირებული შემსყიდველსა და პრეტენდენტს შორის გაცვლილი მთელი კორესპონდენცია და დოკუმენტაცია წარმოდგენილი უნდა იქნას ქართულ ენაზე.
4. პრეტენდენტს უფლება აქვს წარმოადგინოს მხოლოდ ერთი სატენდერო წინადადება.
5. სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია ერთიანი ელექტრონული სისტემის შესაბამისი მოდულის მეშვეობით.

საკონტაქტო პირი: ბესიკი ქოჩიაშვილი მობ: 599 85 80 90.

შესყიდვის ობიექტი	ავტომობილის მარკა და მოდელი	ავტომობილის ღირებულება ლარში	საგარანტიო ფასიანი მომსახურები ს ღირებულება (100000 კმ- ზე) ლარში	მოხმარებული საწვავის ღირებულება (100000 კმ- ზე)	ერთი ავტომობილის ფლობის ღირებულება (ავტომობილის, საგარანტიო მომსახურების და საწვავის ღირებულები)	2 ერთეულ ი ავტომობ ილის ფლობის ღირებუ ლება
მსუბუქი ავტომობილის ფლობის ღირებულება ყველა						

პრეტენდენტის დასახელება:

ხელმოწერა -----

თანმდევ საგარანტიო მომსახურება	ერთეული ფასი	მომსახურების ფასი	გარბენი	გარბენი	გარბენი	გარბენი	გარბენი	გარბენი	გარბენი	გარბენი	გარბენი	გარბენი	გარბენი	გარბენი	გარბენი	ჯამი
			(კმ) -----	(კმ) -----	(კმ) -----	(კმ) -----	(კმ) -----	(კმ) -----	(კმ) -----	(კმ) -----	(კმ) -----	(კმ) -----	(კმ) -----	(კმ) -----	(კმ) -----	
ძრავის ზეთის ხარჯი																
ძრავის ზეთის ფილტრი																
წინა სამუხრუჭე ხუნდა																
უკანა სამუხრუჭე ხუნდა																
ჰაერის ფილტრი																
კონდინციონერის ფილტრი																
ანთების სანთლები																
ძრავის ღვედი																

1. საგარანტიო პირობების ფარგლებში გეგმიური ფასიანი მომსახურების მოწოდების მიზნით წინამდებარე ტენდერის ფარგლებში ამ პუნქტით გათვალისწინებული მომსახურების ხარჯის გადახდა მიმწოდებლისთვის არ ხორციელდება. აღნიშნული მომსახურების შესყიდვაზე წინამდებარე ტენდერში, დანართი N2-ის შესაბამისად შემოთავაზებული ფასითა და პირობებით გაფორმდება ხელშეკრულება გამარტივებული შესყიდვის საშუალებით, „სახელმწიფო შესყიდვების შესახებ“ საქართველოს კანონის მე-10¹ მუხლის მე-3 პუნქტის „თ“ ქვეპუნქტის შესაბამისად, ამავე ტენდერში გამარჯვებულ პრეტენდენტთან ან მის მიერ განსაზღვრულ პირთან, რა დროსაც ძალაში რჩება ავტომობილის საგარანტიო პირობები. პრეტენდენტის მიერ განსაზღვრულ პირს (ასეთის არსებობის შემთხვევაში), რომელთანაც შესაძლებელი იქნება გეგმიური ფასიანი მომსახურების მიღება უნდა გააჩნდეს არანაკლებ 1 სერვის-ცენტრი თბილისში.

2. საგარანტიო პირობების ფარგლებში გეგმიური ფასიანი მომსახურების მიწოდება უნდა მოხდეს სატენდერო დოკუმენტაციის დანართი №2-ით წარმოდგენილი ცხრილით განსაზღვრული კილომეტრაჟის მიხედვით. მიმწოდებელმა გეგმიური მომსახურება ჩატარება უნდა უზრუნველყოს მოთხოვნის დაფიქსირებიდან 2 სამუშაო დღის განმავლობაში.

3. დანართი N2 გათვალისწინებული ფასები ძალაშია ავტომობილის საგარანტიო პირობის ამოწურვამდე ფლობის განმავლობაში, თუ ავტომობილის ტექნიკური მომსახურება განხორციელდება მიმწოდებელთან ან მის მიერ განსაზღვრულ პირთან; საგარანტიო პერიოდის განმავლობაში მიმწოდებლის მიერ თავდაპირველად შემოთავაზებული საგარანტიო სერვისით გათვალისწინებული საქონლის ფასი შეიძლება დაკონვერტირდეს ტენდერის გამოცხადების დღისათვის ფიქსირებული ეროვნული ბანკის კურსით უცხოურ ვალუტაში, ხოლო ანგარიშსწორებისას ეროვნულ ვალუტაში - საქონლის ფაქტიური მიწოდების დღის ეროვნული ბანკის მიერ დადგენილი გაცვლითი კურსით;

პრეტენდენტის დასახელება:

ხელმოწერა -----

სატენდერო წინადადება

პრეტენდენტის რეკვიზიტები	
პრეტენდენტის იურიდიული ფორმა და დასახელება	
ხელმძღვანელის თანამდებობა, სახელი, გვარი	
პრეტენდენტის იურიდიული და ფაქტიური მისამართი	
საიდენტიფიკაციო კოდი	
პრეტენდენტის ტელეფონის ნომერი/ელ.ფოსტა	
მომსახურე ბანკის დასახელება	
ბანკის კოდი	
ანგარიშსწორების ანგარიში	

ვადასტურებთ, რომ გაცნობილნი ვართ და შესყიდვის განხორციელების მთელი პერიოდის განმავლობაში, ვიმოქმედებთ „სახელმწიფო შესყიდვების შესახებ“ საქართველოს კანონის, სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ მოთხოვნათა შესაბამისად. ასევე ვადასტურებთ, რომ ჩვენს მიერ შემოთავაზებული საქონელი სრულად შეესაბამება სატენდერო დოკუმენტაციაში მოცემულ ტექნიკურ დავალებას;

პრეტენდენტის ხელმოწერა და ბეჭედი

სახელმწიფო შესყიდვის ხელშეკრულების პროექტი
/ხელშეკრულების პირობები დაზუსტდება გამარჯვებულ კომპანიასთან/
ხელშეკრულება №

„სახელმწიფო შესყიდვების შესახებ“ საქართველოს კანონის და სატენდერო წინადადების საფუძველზე, გამარტივებული ელექტრონული ტენდერის ჩატარების შედეგად, წინამდებარე ხელშეკრულება დადებულია „.....“ 2014 წ. თბილისი.

ერთი მხრივ, **სსიპ „საჯარო აუდიტის ინსტიტუტი“**, წარმოდგენილი მისი დირექტორის დავით აზმაიფარაშვილის სახით (შემდგომში შემსყიდველი)

მისამართი: ქ. თბილისი, წმიდა ქეთევან დედოფლის გამზირი №96

საიდენტიფიკაციო კოდი: 206350312

საბანკო რეკვიზიტები: სს „ლიბერთი ბანკი“ ბანკის კოდი: LBRTGE22; ა/ა GE85LB0121141688625000

და მეორე მხრივ, პრეტენდენტის (მისი დასახელება) მისი ხელმძღვანელის სახით (შემდგომში მიმწოდებელი),

მისამართი:

საიდენტიფიკაციო კოდი:

საბანკო რეკვიზიტები:

შორის

მუხლი 1. ხელშეკრულებაში გამოყენებულ ტერმინთა განმარტებები

1.1. „ხელშეკრულება სახელმწიფო შესყიდვის შესახებ“ (შემდგომში „ხელშეკრულება“) შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.

1.2. „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.

1.3. „დღე“, „კვირა“, „თვე“ – კალენდარული დღე, კვირა, თვე.

1.4. „შემსყიდველი“ – ორგანიზაცია, რომელიც ახორციელებს შესყიდვას.

1.5. „მიმწოდებელი“ – პირი, რომელიც ახორციელებს შესყიდვის ობიექტის მიწოდებას ხელშეკრულების ფარგლებში.

მუხლი 2 ხელშეკრულების საგანი

2.1. ხელშეკრულებით საგანია 2 ერთეული ავტოსატრანსპორტო საშუალების შესყიდვა (CPV34100000);

2.2. პრეტენდენტის მიერ წარმოდგენილი სატენდერო წინადადება და სატენდერო წინადადებაზე თანდართული ყველა სხვა დოკუმენტი ქმნიან მოცემულ ხელშეკრულებას და ითვლებიან მის განუყოფელ ნაწილად, კერძოდ:

ა) წინამდებარე ხელშეკრულება;

ბ)

მუხლი 3. ხელშეკრულების ღირებულება

3.1 ხელშეკრულების ღირებულება შეადგენს _____ ლარს.

3.2. ხელშეკრულების ღირებულება მოიცავს როგორც საქონლის ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გასაწევ ყველა ხარჯს (მ/შ ავტომანქანის აქციზის ღირებულებას; ავტოსატრანსპორტო საშუალებების შემსყიდველზე

გადაფორმების ხარჯებს) და საქართველოს კანონმდებლობით გათვალისწინებულ ყველა გადასახადს.

3.3. შესყიდვის ობიექტის ერთეულის და საერთო ფასი მოცემულია ხელშეკრულების დანართი №---ში.

მუხლი 4. შესყიდვის ობიექტის მოწოდების ვადები და ადგილი

4.1 მიმწოდებელმა წინამდებარე ხელშეკრულებით გათვალისწინებული შესყიდვის ობიექტის მიწოდება უნდა განახორციელოს ხელშეკრულების გაფორმებიდან 10 კალენდარული დღეში, შემდეგ მისამართზე: ქ. თბილისი წმიდა ქეთევან დედოფლის გამზ №96.

4.2 „შემსყიდველი“ „მიმწოდებელს“ გადსცემს ჩასანაცვლებლად გათვალისწინებულ 1 ცალ ავტოსატრანსპორტო საშუალებას ხოლომიმწოდებლისაგან ჩაიბარებს დანართი N....-ით გათვალისწინებული ახალ ავტოსატრანსპორტო საშუალებას გაუმჯობესებული პარამეტრებით.

4.3 „მიმწოდებს“ მიერ ავტოსატრანსპორტო საშუალების ღირებულების.... ლარის ნაწილი შემსყიდველის მიერ ანაზრაურდება უნაღდო ანგარიშსწორებით, ხოლო დარჩენილი ღირებულების ნაწილი ლარი ანაზრაურდება ჩასანაცვლებელი, ავტოსატრანსპორტო საშუალებით.

4.4 საქონლის ურთიერთჩანაცვლება უნდა განხორციელდეს ხელშეკრულების ძალაში შესვლის არაუმეტეს 10 კალენდარული დღის ვადაში.

4.5 ავტომანქანების საქართველოს კანონმდებლობით დადგენილი წესით რეგისტრაციასა და განბაჟებას უზრუნველყოფს მიმწოდებელი.

მუხლი 5. საქონლის ხარისხი

5.1 მოწოდებულ საქონელზე ვრცელდება გარანტია შესაბამისი მიღება-ჩაბარების აქტის გაფორმების დღიდან ხელშეკრულების დანართი N---ით გათვალისწინებული ვადით.

5.2. საგარანტიო პირობები განისაზღვრება დანართიN---ით, რომელიც თან ერთვის წინამდებარე ხელშეკრულებას და წარმოადგენს მის განუყოფელ ნაწილს.

მუხლი 6. ხელშეკრულების შესრულების კონტროლი

6.1. შემსყიდველს ან მის წარმომადგენელს უფლება აქვთ ხელშეკრულების შესრულების ნებისმიერ ეტაპზე განახორციელონ კონტროლი (ინსპექტირება) მიმწოდებლის მიერ ნაკისრი ვალდებულებების შესრულებაზე, მათ შორის საქონლის ხარისხის პერიოდული ინსპექტირება.

6.2. მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა.

მუხლი 7. შესყიდვის ობიექტის მიღება-ჩაბარების წესი

7.1. შესყიდვის ობიექტის მიღება-ჩაბარება განხორციელდება, შემსყიდველისა და მიმწოდებლის უფლებამოსილი წარმომადგენლების მიერ მიღება-ჩაბარების აქტის გაფორმებით.

7.2. შესყიდვის ობიექტის მიღება განხორციელდება ერთიანად, შესრულებული სამუშაოების სახარჯათვლიცხვო დოკუმენტაციის - ფორმა N2 და გაუთვალისწინებელი არსებობის შემთხვევაში, ხარჯის დამადასტურებელი დოკუმენტების წარმოდგენის შემდგომ, რომელიც უნდა იყოს შემსყიდველის მხრიდან უფლებამოსილი პირის ხელმოწერიტ დადასტურებული.

7.3. საქონელი ჩაითვლება მიღებულად მხოლოდ მხარეთა მიერ განსაზღვრული უფლებამოსილი პირების მიერ მიღება-ჩაბარების აქტის გაფორმების შემდეგ.

7.4. საქონლის მიღების შემდეგ ან/და საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით, გონივრულ ვადაში, უზრუნველყოფს მიმწოდებელი.

7.5. შემსყიდველი ვალდებულია დროულად აცნობოს მიმწოდებელს საბოლოო შემოწმების შედეგები დაწუნებული საქონლის/მომსახურების წუნდების მიზეზის მითითებით.

მუხლი 8. ანგარიშსწორება

8.1. ანგარიშსწორება მიმწოდებელთან განხორციელდება საქონლის მიწოდების დასრულების

შემდეგ 10 (ათი) სამუშაო დღის განმავლობაში, მიღება-ჩაბარების აქტის გაფორმების, საფუძველზე.

8.2. ანგარიშსწორება განხორციელდება უნაღდო ანგარიშსწორების ფორმით.

8.3. ანგარიშსწორება განხორციელდება ლარებში.

8.4. სახელმწიფო შესყიდვის დაფინანსების წყაროა: საკუთარი სახსრები;

8.5. საავანსო ანგარიშსწორება არ გამოიყენება.

მუხლი 9. ფასები

9.1. ხელშეკრულებაში განსაზღვრული ფასის ცვლილება დასაშვებია მხოლოდ საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში (დაუშვებელია სახელმწიფო შესყიდვების შესახებ ხელშეკრულების ჯამური ღირებულების 10 %-ზე მეტი ოდენობით გაზრდა).

9.2. ფასების ცვლილების შესახებ ხელშეკრულების მხარემ უნდა შეატყობინოს მეორე მხარეს წერილობით, რომელიც თავის მხრივ უფლებამოსილია არ დაეთანხმოს აღნიშნულ ცვლილებას.

მუხლი 10. ფორსმაჟორი

10.1. ხელშეკრულების, რომელიმე მხარის მიერ ხელშეკრულების პირობების შეუსრულებლობა არ განიხილება ხელშეკრულების პირობების დარღვევად თუ შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოებების შედეგი;

10.2. ამ ხელშეკრულების მიზნებისათვის ფორსმაჟორი ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან მხარეების შეცდომებთან და დაუდევრობებთან და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება ასევე შეიძლება გამოწვეული იქნას ომით, ეპიდემიით ან სხვა სტიქიური უბედურებით;

10.3. ფორსმაჟორული გარემოების დადგომის შემთხვევაში მხარემ, რომლისათვისაც შეუძლებელი ხდება ნაკისრი ვალდებულების შესრულება, დაუყოვნებლივ უნდა გაუგზავნოს მეორე მხარეს დოკუმენტურად დასაბუთებული წერილობითი შეტყობინება ასეთი გარემოებების და მათი გამომწვევი მიზეზების შესახებ.

10.4. წინამდებარე ხელშეკრულების 10.3. პუნქტით გათვალისწინებული გარემოების დადგომისას მხარეები უფლებამოსილნი არიან ხელშეკრულების შესაბამისად, შეცვალონ ან შეწყვიტონ ხელშეკრულების პირობები, სრულად შეწყვიტონ წინამდებარე ხელშეკრულება,

მუხლი 11. მხარეთა უფლება-მოვალეობები.

11.1. შემსყიდველს უფლება აქვს მიიღოს მიმწოდებლის მიერ ჯეროვნად, კეთილსინდისიერად, დათქმულ დროსა და ადგილას ხელშეკრულებით გათვალისწინებული საგანი;

11.2. შემსყიდველი ვალდებულია გადაუხადოს მიმწოდებელს ხელშეკრულების ფასი ხელშეკრულებით გათვალისწინებული პირობების შესაბამისად;

11.3. მიმწოდებელი ვალდებულია ჯეროვნად, კეთილსინდისიერად, დათქმულ დროსა და ადგილას მიაწოდოს ხელშეკრულებით გათვალისწინებული საგანი;

11.4. მიმწოდებელს უფლება აქვს მხოლოდ ხელშეკრულების დანართის (ხარჯტარღივით) გათვალისწინებული სამუშაოს სრულად და სრულყოფილად შესრულების შემდგომ, სანაცვლოდ მიიღოს ხელშეკრულებით გათვალისწინებული ფასი.

მუხლი 12. მხარეთა პასუხისმგებლობა ხელშეკრულების პირობების შეუსრულებლობისათვის

12.1 მხარეები პასუხს აგებენ ერთმანეთის წინაშე მათ მიერ ამ ხელშეკრულებით ნაკისრი ვალდებულებების შეუსრულებლობისთვის ან არაჯეროვნად შესრულებისთვის;

12.2 თუ ერთ-ერთი მხარე არ ასრულებს ან არაჯეროვნად ასრულებს ნაკისრ ვალდებულებას, მეორე მხარე უფლებამოსილია წერილობითი ფორმით გააფრთხილოს იგი შეასრულოს ხელშეკრულების

პირობები;

12.3 ხელშეკრულების ერთი მხარის მიერ ვალდებულებების კვლავ შეუსრულებლობის ან არაჯეროვნად შესრულების შემთხვევაში, მეორე მხარეს, შესაბამისი გაფრთხილების გაგზავნისა და დამატებით განსაზღვრული ვადის უშედეგოდ გასვლის შემდეგ, უფლება აქვს ცალმხრივად ვადამდე შეწყვიტოს ხელშეკრულება და მოითხოვოს პირგასამტეხლოს ანაზღაურება.

12.4 წინამდებარე ხელშეკრულების პირობების დარღვევის შემთხვევაში, მიმწოდებელი კისრულობს პასუხისმგებლობას: გადაუხადოს შემსყიდველს პირგასამტეხლო, მთლიანი სახელშეკრულებო თანხის 0.5% პროცენტის ოდენობით.

12.5 იმ შემთხვევაში თუ დაკისრებული პირგასამტეხლოს ჯამური თანხა გადააჭარბებს ხელშეკრულების ჯამური ღირებულების 5 (ხუთი) პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება.

12.6 შემსყიდველი პასუხისმგებლობას კისრულობს, ხელშეკრულებით გათვალისწინებული ანგარიშსწორების ვადების დარღვევისათვის, პირგასამტეხლოს სახით მიმწოდებელს გადაუხადოს ვადაგადაცილებული თანხის 0.1 პროცენტი.

12.7 პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

მუხლი 13. მხარეთა ურთიერთობა

13.1. ნებისმიერი ოფიციალური შეტყობინება მხარეთა შორის უნდა ატარებდეს წერილობით ფორმას;

13.2. შეტყობინება ძალაში შედის ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, ამ თარიღიდან რომელიც უფრო გვიან დგება.

მუხლი 14. გადასახადები და ბაჟები

მიმწოდებელი პასუხს აგებს შესყიდვის ობიექტის მოწოდებასთან დაკავშირებული ყველა იმ გადასახადის, დაბეგვრის თანხის, მოსაკრებლების და სხვა გადასახდელების გადახდაზე, რომლებიც გადასახდელია საქართველოს კანონმდებლობით და საქართველოს ფარგლებში.

მუხლი 15. ხელშეკრულების ძალაში შესვლა და მოქმედების ვადები

ხელშეკრულება ძალაში შედის მისი ხელმოწერის დღიდან და მოქმედებს 2014 წლის 31 დეკემბრის ჩათვლით.

მუხლი 16. ხელშეკრულებაში ცვლილებების შეტანა

16.1. არანაირი გადახრა ან ცვლილება ხელშეკრულების პირობებში არ დაიშვება ორივე მხარის მიერ ხელმოწერილი წერილობითი შეთანხმების გარდა.

16.2. ხელშეკრულების პირობების ნებისმიერი ცვლილება უნდა გაფორმდეს დანართის სახით, რომელიც ჩაითვლება ხელშეკრულების განუყოფელ ნაწილად.

მუხლი 17. ხელშეკრულების შეწყვეტა

17.1. ხელშეკრულება შეიძლება შეწყდეს:

ა) მხარეთა წერილობითი შეთანხმებით;

ბ) ხელშეკრულების ვადის გასვლის გამო;

გ) მიმწოდებლის მიერ მომსახურების მიწოდების ვადების 10 დღით დარღვევის შემთხვევაში (ცალმხრივად შეწყვეტის საფუძველი),

დ) შემსყიდველის მიერ, ხელშეკრულების შეწყვეტამდე 10 დღით ადრე, წერილობითი შეტყობინების საფუძველზე.

17.2. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

მუხლი 18. დავების განხილვის წესი

მხარეები შეეცდებიან ურთიერთმოლაპარაკების საფუძველზე გადაჭრან წინამდებარე

ხელშეკრულებასთან დაკავშირებით წამოჭრილი დავები. შეთანხმების მიუღწევლობის შემთხვევაში, დავა განიხილება სასამართლოს მიერ საქართველოს კანონმდებლობის შესაბამისად.

მუხლი 19. დამატებითი პირობები

19.1. არც ერთ მხარეს არა აქვს უფლება, მეორე მხარისაგან წერილობითი თანხმობის გარეშე თავისი უფლებები ან ვალდებულებანი გაასხვისოს ან გადასცეს მესამე პირებს.

19.2. შემსყიდველი უფლებამოსილია მოშალოს ეს ხელშეკრულება ცალმხრივად დადგენილი პირობებით, თუ მეორე მხარე ვერ უზრუნველყოფს თავის ვალდებულებების ჯეროვან შესრულებას ან სხვა მოქმედი კანონმდებლობით გათვალისწინებულ შემთხვევაში.

19.3. მხარეები თანხმდებიან, რომ ის ურთიერთობანი, რომელიც არ იქნა რეგულირებული წინამდებარე ხელშეკრულებით, რეგულირებული უნდა იყოს საქართველოს კანონმდებლობით დადგენილი წესით.

19.4. ხელშეკრულება შედგენილია ქართულ ენაზე, ორ თანაბარ იურიდიული ძალის მქონე ეგზემპლარად (ერთი ეგზემპლარი მიმწოდებელს, ერთი ეგზემპლარი შემსყიდველს).

მხარეები არსებითად ეთანხმებიან ხელშეკრულების პირობებს და ყოველივე ზემოთქმულის დასტურად გააფორმეს წინამდებარე ხელშეკრულება საქართველოს კანონმდებლობის შესაბამისად, ამ დოკუმენტის თავში მითითებულ დღესა და წელს.

მხარეთა ხელმოწერები:

შემსყიდველის მხრიდან:

მიმწოდებლის მხრიდან:

დავით აზმაიფარაშვილი

დირექტორი

სსიპ „საჯარო აუდიტის ინსტიტუტის“
დირექტორი

ბ.ა.

ბ.ა.